



Inatsisartunut ilaasortaq Lars Poulsen
-/ MAANI

**Soraarnerussutisiaassanik ileqqaartussaataaneq pillugu § 37 naapertorlugu
apeqqummut 054 025-imut akissut**

Brevdato: 11-06-2025
Sagsnr. 2025 - 11999
Akt id. 25420675

Apeqqutitut ataaniittunut akissut matumuuna nassiunneqarpoq.

1. Naalakkersuisut siunertaraat pisussaataaalluni
soraarnerussutisiaqalernissamut katersissutit atorunnaarsissallugu?
2. Tamanna pissanngippat, taava Naalakkersuisut suna pilersaarutigivaat
maannakkut aqqissuussinermut taarsiullugu atuutisilissasoq, qanorlu
piffissalersuisoqassava?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

Apeqqutigineqartut assigiimmata § 37 naapertorlugu siusinnerusukkut akissummut nr.
2025_41-mut akissut 22. maj 2025-meersoq aallaqqaasiullugu
innersuussutigineqassaaq:

Naalakkersuisut siusinnerusukkut akissummi imatut ilisimatitsipput:

" Apeqqutit ataatsimoortillugit akineqarput.

*Ulloq 11. marts 2025-mi Inatsisartunut qinersisoqarpoq. Qinersinerup kingorna partiit
sisamaasut Demokraatit, Inuit Ataqatigiit, Siumut aamma Atassut
naalakkersuisoqatigiinnissamut ataatsimut isumaqatigiissuteqarput ima qulequtalimmik
"Ataatsimoorfigaarput Kalaallit Nunaat toqqissisimanartoq kiffaanngissusilik
siuariartortorlu". Naalakkersuisoqatigiinnissamut isumaqatigiissut taanna
Naalakkersuisunit tamarmiusunit malinneqartussaavoq.*

*Naalakkersuisut taamaalillutik piffissami ukiuni sisamani qinigaaffiusumi
naalakkersuisoqatigiinnissamut isumaqatigiissummi anguniakkamik
piviusunngortitsinissaq sulissutigaa. Naalakkersuisut suliaasa inerneru nassuiaatini,
siunnersuutini il.il. Naalakkersuisunit qinigaaffiup tamarmiusup ingerlanerani
Inatsisartunut saqqummiunneqartussani takuneqarsinnaassapput.*

Soraarnerussutisiaqarneq pillugu naalakkersuisoqatigiit isumaqatigiissutaanni imatut
allaqasoqarpoq:

" Soraarnerussutisiaqartitsinermik aqqissuussineq

*Naalakkersuisoqatigiit soraarnerussutisiaqartitsisarnermik
aqqissuussinermik aallartitsissapput. Aqqissuusseqqinneq pisortat
inger/atsiviannik pisariinnerusumik eqaannerusumillu
anguniagaqarnermut ikoffartuisuussaaq.*

Soraarnerussutisiaqartitsisarnermik aqqissuusseqqinneq,
soraarnerussutisiaqartarnermi inatsimmik innuttaasunut
paasiuminartumik, innuttaasullu kiffaanngissuseqar/utik
toqqaasinnaaneranmi pisortat attanneqarsinnaasumik
aningaasaqarnermik pisariaqartitsinerannut oqjmaaqtigiissitsisumik
kinguneqassaaq.

Suleqatigiissitamik immikkut ilisimasalinnik inuttaljmik, ukjup ataatsip
ingerlanerani soraarnerussutisiaqartitsisarnermik
aaqqissuusseqqinnissamut kaammattuutiniq tunniussisussamik
pilersitsisoqassaaq. Kaammattuutit 2026-mi politikikkut
isumaqatigiissutissamut toqqammaviussapput. Isumaqatigiissut
qinigaaffiup naannginnerani inatsisinik pisariaqartunik atulersitsinermik
kinguneqassaaq.

Soraarnerussutisiaqartitsisarnermik aqqissuusseqqinneq ataatsimut
aningaasaqarnikkul/u siunissamut isumannaakkamik
soraarnerussutisiaqartitsisarnermik aqqissuusseqqinnermik, ukiuni
aggersuni utoqqaat amerlanerujussuanngornerannik
sillimmartaarinnittumik pilersitsinermik kinguneqassaaq. Taamattaaq
aaqqissuusseqqinneq Kalaallit Nunaanni Danmarkimilu tjenestemandit
soraarnerussutisiaasa assigiinnginneri pillugit unammillernartitanut
aaqqiissummik imaqassaaq. Tamatumalu saniatigut
aaqqissuusseqqinnerup kikkut tamarmik nammineerlutik
soraarnerussutisiaassaminnik katersinissaannut erseqqissumik
aningaasaqarnikkut pilerinarnerulersitsinermik qularnaarinnittuussaaq.
Aaqqissuusseqqinnermut atatillugu Soraarnerussutisiaqarnissamut
aaqqissuussinnermut pinngitsoorani ilaasussaatitaaneq
nutarterneqassaaq.”

Partiit naalakkersuisoqatigiinnissamut isumaqatigiissutaannit issuakkami siuliani
allassimasumi takuneqarsinnaasutut, Naalakkersuisut
soraarnerussutisiaqartitsisarnermik aqqissuusseqqinnissamik taamaalillutik
piareersaapput, tassani soraarnerussutisiaqalernissamut aqqissuussinnermut
peqataasussaatitaaneq aqqissuusseqqinnerup tamarmiusup ilaatut ilaatinneqassalluni,
taanna ilaatigut soraarnerussutisiaqartitseriaatsimi tamarmiusumi aningaasaqarnikkut
inooqataanikkullu pissutsinik oqimaaqtigiissitsinnissamik siunertaqassalluni,
tamatumani soraarnerussutisiaqalernissamut aqqissuussinnermut
peqataasussaatitaanerup saniatigut ilaatigut ilaatinneqarlutik tjenestemandit
soraarnerussutisiaat, suliffeqarnermi soraarnerussutisiat namminerlu
soraarnerussutisianut aqqissuussinnerit.

Suliamut annertunerusumik maannamut ilassutissaqanngilanga.”

Tamatuma kingorna Naalakkersuisut UKA2025-mi ataatsimiinnermiluunniit tullermi
Soraarnerussutisiaqalernissamut aqqissuussinnermut peqataasussaatitaaneq pillugu
Inatsisartut inatsisaata allanngortinneqarnissaanik inatsisissatut siunnersuummik

saqqummiussissallutik aalajangerput. Inatsisissatut siunnersuummi
aalajangersimasumik imaqarnissaa pillugu suli aalajangiisoqanngimmat tamanna pillugu
sukumiinerusumik ilisimatitsisoqarsinnaanngilaq.

Inussiarnersumik inuulluaqqusillunga



Múte B. Egede